

Коми Республикаса том войтырлөн газет



6+



Ми «Йөлогаса» ёртъяс!

Тайо НОМЕРЫН

Октябрь 24 лунö юркарса коми культура шöринин воссис Алёна Чувьюоровалöн «Из обычного в необычное» выставка. А сылön серпасасян ырвизыс шусьö Street art.

5
л.б.

«Йöлöгалöн» тайö пегасын нимöдам нöшта öти енбия том серпасасысьöс. Тöдмасьöй: Анастасия Паниюкова, юркарса 36 номера школайн велöдчысь. Настя серпасасьö графика ырвизызын.

6-7
л.б.

Россия пасьта ыджыд öдön муноö армияö босьтан кампания. Тшöтш и Комиысь уна зоны, аския салдатгьяслы, воисны военкоматсянь повесткаяс. Сыктывкарысь Иван Павлов - на лыдын жö. А со Удораса Глотовоысь Евгений Вилков да Кörtкерöс районса Керöсысь Игорь Франц ноябрьын дасьтысьöны нин бөрвоны гортас.

12-13
л.б.

Поводдя йылысь быд лун мөвпалам, кутшöм козин - шондi али зэр - дасьтöма. Уна воон сы йылысь чукöрмöма уна шензьöдана пасйöд. Туялысьяс серти быд час му вылын гымалö квайтымын-сизимдасысь.

14
л.б.



Лыйсясны ньöвйөн

Сыктывкарын медводдзаясь лöө ньöвйөн лыйсьöмысь 3D турнир. «Сыктывкарская охота-2014» ордйысьöмсö котырталсны ноябрь 9 лунö юркарса «Динамо» спорт базаын.

Медым веськавны турнир вылö, колö водзвыв шыödчыны aamorozov84@gmail.com электроннöй адрес серти, тöдны безопасносьт техника.

Ньöвйөн 3D лыйсьöм - лыйсьöмлөн сикас, кор колö веськавны пемöс мыгöра мишеньö. Ставыс матыс збыльывса олöм дорö, тшöтш и пемöслөн мыгöрыс, и ыджыдасы. Вермас лоны, ковмас лыйлыны увлань мылк-гöра вылын сулалöмөн либö мишеньыс лöө выланджык. Пемöс вылö лöө пасйöма 8, 10, 11 очкояса зонаяс, мукöд инö кö веськалан - шедöдан 5 очко.

«Коминформ» серти



Восьтасны шабдiлы музей

Кудымкарын лöө шабдiлы сиöм «Лён вежалун» гаж. Сийö заводитчас «Льяные истории» выставка восьтöмөн. Сэки жö донгьяслы «Льяное совершенство» кипода удж конкурс вылö воём уджыс да петкöдласны шабдiысь медся аслыспöлöс вöчöмторсö.

Гöсьтгьяслы да и мукöдлы петкöдласны кысыны-вышивайтчыны велöдан, акань дасьтан да видзöг вöчан мастер-классяс.

Нöшта восьтасны шабдiлы сиöм музей, кöни тшöтш лöө петкöдлöма шабдiысь дöра вöчан станок. Гаж дырйи лöө позянлун видзöдлыны «Это диво-растение - лён» кино. Кывкörtалас гажсö Перым-Коми кытшса челядь котыргьяслөн концерт.

Finnougoria.ru сайт серти



Комиын мунö «Мастер года-2014» конкурс. Ассьыныс сям петкөдлöны производство велöдчöмын мастеръяс. Конкурссö котыртöны республикаын коймöдысь нин. Меститчöма сийö юркарса велöдчанинъясын: торгово-технологическöй да политехнической техникумъясын да индустриальной колледжын.

КОНКУРС

Кöсьян пусьыны - велöд химия

- Коть мый оз вöч мастер - көрт сваритö, труба гзоньталö либö пöжасьö - медшöрыс сьлөн уджын - сяммыны вöдитчыны аслас тöдöмлунöн, технологиян, - висьталö торгово-технологичес-

кöй техникумын уджалысь Любoвь Петерсон.

Интересной мастер-класс нуöдiс Марина Чеснокова. Сийö петкөдлiс, кызди коми сёян-юанысь вöчны фаст-фуд. Аслас уджын эз

повзьи вöдитчыны сiдз шусяна «молекулярной кухнялөн» вель технологиян. «Молекулярной кухня» - öнiя кадö модной нырвизь, отсалö лöсьöдны вель пöлöс сёян-юан химия да вель технология отсöгөн.

- Медым бура гасьтыны сёян-юан, колö тöдны химия да физика, - висьталö М.Чеснокова.

Конкурс кежлö мастер дасьтысьöма тöлысьөн-джынийөн, а молекулярной гастрономия ышöдöма сийöс некымын во сайын нин. Жюри да студентъяс тöдмалiсны, кызди дасьтыны рудзöг няньшомысь пицца, кытчö тшöтш содтöма көр яй да тшак, а сiдзжö рудзöг няньшомысь юмовтор.

«Мастер года-2014» конкурс мунö куим тшупöдөн, көнi донъялöны тöдöмлуннысö и теория, и практика серти.

«БНКoми» серти



Челядьлөн да том йöзлөн «Ребьячья республика» республикаса общественной öтмунöмысь 150 водзмöстчысь морт чукöртчасны Сыктывкарын октябрь 31-ноябрь 4 лунъясö «Ми öтлаын» регионъяскостса фестиваль вылö. Воласны тшöтш Москва обласьтысь да Перым дормуысь водзмöстчысь йöз.

Ми öтлаын!

Чукöртчылигөн лöб збыльмöдöма некымын уджтас: «Наследники Победы», «Свой голос в СМИ», «Прикосновение к родным истокам», «Что для завтра сделал я» форумъяс да «Ладوشка добра» фестиваль.

Уджö пырöдчасны челядьлөн öтмунöмын зильысь Россияса специалистъяс. Гажсö сiöма Айму вöсна Ыджыд тышын Вермöмлы 70 во да «СПО-ФДО» челядьлөн общественной котыръяслөн войтыркостса союзы 25 тырöмлы.

Аддзысьлöмсö дасьтö челядьлөн общественной котыръяслөн Коми Республикаса ассоциация да Эжва районса «Ребьячья республика» öтмунöмлөн «Парламент» велöдчысьяслөн котыр.

Миян корр.

ЧУКÖРТЧЫЛÖМ



КОЛАНА УДЖ

Октябрь 6-17 лунъясь юркарысь Орбита микрорайонса «Огонёк» шӧрин подулын «Арся каникул» котыр нуӧдӧс социальной реабилитация серти удж.

Арся каникул кежлӧ дасьӧсь

Группа котыртчӧмлӧн могыс - сетны том войтырлы патриотической воспитание да вӧр-ва видзӧм йылысь выль тӧдӧмлун. Программа артмис вель ыджыдӧн, челядь быд лун тӧдмалісны мыйкӧ вьльтор.

Медводдза лунсӧ вӧлі сіӧма безопасносът темалы. Группӧа воліс юркарса ГИБДД-ысь инспектор Вера Крючек. Вера Валерьевна висыталіс челядьлы, кызди колӧ видзны асьтӧ туй вылын да сиис тӧлкӧн колявны арся каникул.

Та бӧрын лои нуӧдӧма пӧжарысь видзчысян инструктаж, содтӧд челядь тӧдмасисны эвакуация планӧн.

А видеоматериал кывкӧрталіс медводдза лунысь сёрни, кодӧ сетіс томуловлы немнучаын асьнысӧ видзӧм йылысь колана тӧдӧмлунъяс.

Мукӧд лунӧ группа ветліс быдсикас экскурсия вылӧ. Ныв-зон волісны республикаса эколого-биологической шӧринӧ, А.А.Чернов нима геология музейӧ, Сыктывкарса университетлӧн зоология музейӧ, омӧля аддзысь йӧзлы Л.Брайль нима библиотекаӧ да «Коми гор» телерадиокомпанияӧ. Группӧа ветлысьясӧс быдлаын шоныда паныдалісны, тӧдмӧдісны найӧс экспозициясын, уджлӧн

аслыспӧлӧслунӧн. Медъяна челядьлы сьӧлӧм вылас воис «Коми гор» телерадиокомпанияӧ экскурсия. Ӧд тайӧ лунӧдз телевидениеса студия челядь аддзивлісны сӧмын экранысь.

Прӧст кадӧ челядьӧс велӧдісны ворсны шахматысь, занятие нуӧдӧс волонтер Евгений Москольниково. Евгения Борисовна ознин медводдзаясь уджав «Огонёккод», сійӧ тшӧкыда нуӧдӧ шахмат турниръяс да во чӧжнин отсалӧ портны олӧмӧ «Семейные игротеки» инновационной проект.

Социальной технологияс сӧвмӧган шӧринлӧн юр серти.



ВЫСТАВКА

Октябрь 24-од лунё Сыктывкарса коми культура шөринын воссис Алёна Чувьюровалон «Из обычного в необычное» выставка. А серпасаян ныреизыыс шусьё Street art.

Алёна велодчö коми национальной гимназияын. Буретш тані велодчигон пырöдчöма «Химия - моя муза» серпасаян конкурсö да лоöма вермысьон. Тайö тшупод босьтöм бöрын и чужöма мовп - петкөдлыны уджъяс аслас выставка вылын.

Выставкалөн вощьомыс артмис вель кыпыдöн. Донъявны Алёналысь серпасаяссьö волісны сылөн мамыс, ёртъяс да тöдсяяс. Коми культура шөринын уджалысь Виктория Канева нуöдіс тайö рытсö, висьтыштис Алёна да сылөн уджъяс йылысь, нуöдіс нейджыд викторина. Та бöрын кыв вичмис и аслыс Алёналы. Нывка чолöмаліс да атгьöалис гөсьтъясöс, а сэсся висьталіс, кыдзи артмис тайö выставкакыс. Коркö Алёна заводитлöма йöктыны брейкданс, сэсся вуджöма граффити серпасасьöмö, а та бöрын и воöма öнія медрейтанан Street art стиль дорö. Бöрын кыв босьтліс Алёналөн Татьяна Александровна мамыс. Сійö атгьöалис Коми культура шөринса уджалысьясöс, сиис нылыслы водзö мунны аслас туйод да содтис, мый выставка пö воли Алёналөн зэв ыджыд көсйöмөн, коді öні збыльмис.

Аслыспөлöс кывкөртöдөн лои «Адреналин джанкенс» йөктан котырлөн петкөдчöм. Зонкаяс, Алёналөн ёртъяс, шемсөмөдісны видзöдысьясöс мича брейкдансөн.

А сэсся ставөн вермисны донъявны Алёналысь серпасаяс. Тиян, дона лыдысьысьяс, тшöтш эм позялун волыны коми культура шөринö да асланыд синмөн адззывны Алёналысь уджъяс, од выставка лоö восяс ноябрь 7 лунöдз.

Мария ИГУШЕВА.
Снимокъясыс авторлөн.

Аслас Видзöдлас



ЕНБИ

«Йөлөгалон» тайё петасын нимодам нөшта өти енбиа том серпасасысьос. Төдмасый: Анастасия Панюкова, юркаrsa 36 номера школын велөдчысь.

Анастасия Панюкова: «Серпас вылө вуджөда мөвпалөмөс»

- Видза олан, Настя! Медводз вай төдмасым, висътышт ас йывсыя.

- Чолөм! Шуёны менө Настя, меным 17 арөс, велөдгча 11-өд классын. Урокъяс бөрын ужала Open Your Mind галереяын, та кындзи ёрткөд өттишөтти гасытим «Ali PSA Лаборатория открыток» проект. Став прөст кагөй мунө творчество вылө - уна серпасасыя.

- Төда, мый тэ быдторйөн нин видлин ноксыны. Мыйла бөрийн буретш серпасасыөм?

- Да, збыль тагзи. Ас кагө видлі ворсны гитарон, йөктыны, пырөдчывлі спортө, а сэсыя муні художествоа школаө - та вылын и сувти. Весиг ачым ог төд мыйла. Недыр каг мысти гөгөрвои, мый тайё меным сьолөм серти, да и артмыны кутис. Серпас отсөгөн ме верма петкөдлыны ассыым мөвпөс, вуджөдны бумага вылө. Позьё шуны, мый менам юрөй да сьолөмөй - компьютер, а киясөй - принтер.

- Кыдзи тэ чайтан, эн кө веськав велөдчыны художествоа школаө, заводитин-ө серпасасыны?

- Чайта, да. Эска, мый быд мортлөн эм аслас туй. Мед эг өні, но сёрөнджык вои эськө серпас горө.

- Настя, аслад серпасасыын тэ кутчысян кушөмкө торья стильө?

- Стөчджыка кө, менам серпасасыя матынөсь сюрреализм нырвизь горө. А техника боксянь меным матын графика. Бөрья кагө уна серпасала акрил краскаясөн холст вылын. Ме, дерт, рагейта графика, сөмын чайта, мый рөмөн ёна кокни петкөдлыны думъяслысь сер: рөмын эм энергия, когi вуджө видзөдысьялы.

- Мый йылысь тэнад серпасасыя?

- Холст вылө ме вуджөда ассыым сьолөмкылөмъясөс, петкөдла, кыдзи ме агдза олөмсө, когi кытшалө менө.

- А эмөсь сэтшөм уджъяс, кодъяс дзёбөма йөз синмысь? Либө кушөмкө аслыспөлөс серпас, мукөдысь донаджык?

- Весиг ог төд. Эмөсь сэтшөм серпасасыя, кодъяс артмисны сэк, кор меным вөлі шуштөм да гажтөм. Но өні ме гөгөрвои, мый ог көсий гижны татшөм серпасасыя. А кушөм кө уджъяс сiдз и кольоны сiдз шусяна зарисовкаясөн. Ме чайта, мый оз ков серпасавны сiйөс, мыйөн бөрыннас он вермы юксыны мукөдкөд. Тишөкыда, ме козынала уджсө сiйө мортыслы, когi менө ышөдiс мыйөнкө.

- Тэ өні велөдчан 11-өд классын. Колө бөрийны



туй, медым мунны водзө. Кутан-ө тэ йитны ассыяд олөмтө серпаскөд?

- Да, но художествоа вузө велөдчыны ог мун. Көсья видлыны ачымөс олөмын и мукөдлаын. Но чайта, мый ассыым видзөдгасөс серпас вылө коля. Творчество вермө лоны уна пөлөсөн, и йөзлы колө тайё. И ме көсья лоны, мед коть ичөтик, но искусстволөн торйөн, пайөн.

- Аттьө, мый вичмөдiн миянлы кад. Көсьян-ө тэ мыйкө висътавны миян лыддысьысьяслы?

- Чайта, быд мортлы, колө вөчны сiйөс, мый горө кыскө сьолөмыс, оз ков видзөдны мукөд вылө, и торья нин - оз ков дышөдчыны. И сэк ставыс артмас.

Сёрнитiс Мария ИГУШЕВА.




Сюрреализм - искусствын нывизь, чужис ХХ нэмса 20 воясö Франциян. Öтлаодö збыль да вöт, чайттöмтор. Сюрреалистъяслон мог: торйöдны лов сідз шусяна материальной оломьсь.



«Open Your Mind» - Арт-галерея, воссис юрка-рын 2014 вося июнь 7 лунö. Татчöс уджалысьяс асланыс могон пуктöмаöсь выставка, мастер-класс да концертъяс отсöгөн культура йылысь тöдöмлун паськөдöм.



Графика - серпасаян искусство сикас. Серпас артмö визьяс, печатъяс, штрихъяс да чутъяс отсöгөн.



**Сиктысь – каро
ЮОР ВАЯМ**

*Көрткерөс районьсы Висер сиктса челядьлы дасьты-
лісны арлы сиём некымын гаж, кодөс нуөдісны клубын
да школаын уджалысьяс.*

Ар - йөзлы да пемөслы колана кад

Медводз посниулов гөсти-тісны шань волшебница Ар до-рын, коді вочааліс ныв-зонмөс клубса жырйын. Королева Ар (ворсіс Ида Игушева) шогсіс, мый сійө - волөн медся гажтөм кад да некодлы оз ков. Но клубө пырысь котыръяс асла-ныс петкөдчөмъясын висьта-лісны мөдарө. Со акань от-сөгөн петкөдлісны, кызди вөрса пемөсьяс дасьтысисны төв кежлө: заптісны тшак да вотөс, дзоньталісны оланінсө. А сьланкывйөн висьталісны арлөн коланлун да мичлун йылысь. Гаж помын лои вө-чөма кывкөртөд, мый ар - йөзлы да тшөтш и пемөслы колана кад.

Гаж дырйи жө вөчисны кывкөртөд «Урожай ого-го!» конкурслы. Вермысьон лои 2 классыс Вика Макарова, коді вөчөма картофельсы морж-ясөс.

Школаын тшөтш муніс не-кымын мероприятие. Ичөт классын велөдчысьяслы нуө-дісны классной часъяс. 3 клас-сын велөдчысьяс нимөдісны град выв пуктасъяс. На йы-лысь ливкйөдлісны частушка-яс, мойдісны, дасьтісны пре-зентациясы. Вермысьясон ло-ины Елисавета Макарова да Павел Габов. Дасьтісны град выв пуктасъяссыс вөлөга. 1-4 классаяс өтлаын гажөдчисны праздник вылын: ворсісны, сьылісны, йөктісны. Водзвыв вөлі юөртөма «Арся баситчан» конкурс йылысь. Унатор жө и вөчалөмаөсь челядь! Но ор-дйысьөмын век жө колөны вер-мысьяс. Зэв мича юбка да юр-кытш дасьтөмаөсь 1 классыс кык чой - Вика да Кристина Габоваяс, 3 классыс Павел Габов баситөма галстук, а 2 классыс Вика Макарова - перчатки. Тусьясыс зэв уна сикөтш вөчалөмаөсь, уна пөлөс юркытш. Аттьө мамъяслы, ка-дөн лыддысьтөг школаса олө-мө пай пуктөмысь.

Оксана ПИНЯГИНА



Октябрь 24–25 лунъясö юркарын мунис художествоа кыв кузя республикаса конкурс, кодöс таво вöли сиöма М.Ю.Лермонтовлön чужöмсяньыс 200 волы.



Сиисны Лермонтовлы

Тайö конкурсö пырöдчисны республика пасьтала школаясын велöдчысьяс, на пöвстын и Удора районьыс Готовоса шöр школаьсы кык зонка: Александр Остапов да Владислав Доронин. Конкурс дасьтысьны налы отсалис литература велöдысь Мариса Владимировна Доронина. Сийö жö дасьтис-вурис сценаыввса паськöм, тшöтш и ассьыс пай тайö уджö пунктис история велöдысь Татьяна Витальевна Высоких). Петкöдчöмысь Сашалы да Славалы вичмисны грамотаяс. Молодечьяс!

Анна КРЯЖЕВСКАЯ.

Октябрь 26 лунö Изьваса шöр библиотекаын воссис «ЭТНОмода снова в моде» выставка, кодöс урчитисны финн-йöгра войтырлы сиöм лунъяслы.

Модаын «ЭТНОмода»

Дасьтис-вöчис став тайö уджсö Элида Эдуардовна Сметанина. Выставка вылын петкöдчисны Изьвасысь содтöд тöдöмлун сетан шöринса «Ошкамöшка» да «Вунöдöм кипод удж», а сідзжö Мокчойысь шöр школаса «Зарни кияс» студиясö ветлысь войтырлысь уджъяс.

Та кындзи библиотекаын уджалысьяс дасьтисны этнической мода тема выlö периодика да литератураын гижöдьяслысь чукöр.

Изьваса содтöд тöдöмлунъяс шöринлön юр серти.



ВОДЗМӨСТЧӨМ

Йирым 13-17 лунъясö Москваын муницип краеведение кузя став Россияса школьнöй олимпиада. Коми Республикасьня сэтчö уси шуд ветлыны сöмын нель ныв-зонлы: Вильгортса школаысь 8 класса велöдчысьяс Анна Катаевалы да Екатерина Шестаковалы, Сосногорскысь 8 класса велöдчысь Юрийлы да меным - Княжпогост районса Сьöськаса школаын 10 классын велöдчысь Диана Подоровалы.

Москваын став Россияса олимпиада вылын нель лун

Москваын медводдза лунö кыпыда воссис «Равнение на Победу» слёт-олимпиада. Сэтчö локтисны челядь да налön велöдысьяс матö кызь регионсы, ставнас вöли сё кык морт сöмын велöдчысьяс. Слётлön программаыс вöли зэв ыджыд да кывкутана. Пыр жö восьтöм бöрын велöдчысьясöс торйöдисны быдсикас секцияö. Миянöс, Коми Республикаса велöдчысьясöс, торйöдисны «Экология», «Родословие. Земляки» да «История родного края» секциясыö. Сэни петкöддисны мастер-класс, кыззи гижны неыджыд туялана удж, а сэсся нуöдисны «Конкурс знатоков» тест, кытön донъялисны, кыззи ми тодам Чужан мунымöс. Вöли 40 нуалöм быд пöлöс тематика выlö. Тайö жö рытö нуöдисны «Вечер дружбы» аддзысьлöм, кытön быд регионса делегация петкöдлис



ассыс «визитнöй карточка»: тани кодi сылис, кодi йöктiс, кодi лыддис кывбур.

Мöд лунас уджалiм Москва карса музейасын. Ме уджалi «Родословие. Земляки» секцияын Москваса велöдчанiн музейын. Олимпиадалön организаторьяс нуöдисны музейын интереснöй экскурсия. Та бöрын колö вöли гижны туялана удж «Влияние личности в историю экспозиции музея» вöзйöм тема выlö. Миян вöли зэв этша кадыс. Тайö жö лунас миянлы колiс дорйыны уджнымöс. Менам секцияын вöлины Смоленскысь, Свердловскысь,

Воронежысь, Ярославлысь, Питерысь да Мордовияысь велöдчысьяс.

Коймöд лунас ветлiм А.П.Чехов нима музейö. Сэни петкöддисны экскурсияön, кытön Чехов быдмис да гижис ассыс висетьяс. Та бöрын миянлы колiс вöчны Чехов портрет серти атрибуцияяс сылön журнал да пу корöб серти, кодi вöлöма збыльвылас гижысьлön аптечкаön. Быд предмет выlö сетiсны 10 минут, а донъялöмыс вöли зэв уна боксянь: «клеймо», «описание», «сохранность», кодi-көнi вöчöма. Ме ставсö гижы, кыззи кужы.



Нельöд лунас став челядьлы уси позянлун аддзывны став Москвасö оти лунöн. Ми нель час чöж «лэбалім» Россияса юркарті. Тайö жö рытö вöлі нöшта на «Вечернее Лефортово» экскурсия. Став олимпиада чöж вöчим быдпöлс снимокъяс да сегім донъявны фотоконкурс вылö. Ми тшöтш, кыдзи и мукöд делегацияяс, мөдöдİM фотояс. Кывкöртöд бöрын Коми Республикаса делегация босытмöд места Питер бöрын!

Со и воис медбöрря лун. Медводз быд секция чукöртчис аслас классын. Сэни быдöнлы висътавлісны баллъяс да оценкаяс. А сэсся миянöс виччысисны концертасян ыджыд залын. Медводз чолöмалісны быд секциялöн журиö пырысьяс. Сэсся петкöдлісны неыджыд концерт. А сэсся матыстчис кывкутана здук. Донъялысьяс сцена вылö вайисны дипломъяс, грамотаяс да козинъяс. Ставöн залын дугдылісны лавнысö весиг. Кутісны висътавлісны вермысьяслысь нимъяс. Ме лои дипломантöн! Олимпиадаö пырöдчöмысь аттьöлана грамотаяс сеталісны налы, кодъяс эз шедöдны приза местаяс. Велöдысьяслы тшöтш сетісны аттьöлана гижöдъяс. Ставлöн сьölöм вылас вöлі кыпыд. Кор юргис медбöррын Россияса кып, лои гөгөрвоана, мый ми - öтувъябсь, нель лун чöжнас велалім öта-мөд дінö, да вель сьökыд вöлі торйöдчыны. Сідзкö, ковмас нöшта на дасътысьны локтан олимпиада кежлö, медым бара на аддзысьлыны выль ёртъяскöд.

Диана ПОДОРОВА,
Княжпогост районьсы
Сьöська сиктса школаын
10-öд класса велöдчысь.



Айму

Россия пасьта ыджыд өдөн мунө армияө босьтан кампания. Тшөтш и Комиысь уна зонлы, аския салдатъяслы, воисны военкоматсянь повесткаяс. Сыктывкарысь Иван Павлов на лыдын жө. Зон ветлөма нин бурдөдысьяслөн комиссияө, а ноябрь 24 лунө мөдөдчас служитны армияө.

Регыд армияө

Армияын служитөм йылысь мөвпалө быд зон. Мый виччысьө найөс сәни, кутшөм төдөмлун-сям шедөдасны, кутшөм йөз дорө веськаласны - уна юалөм бергалө юраныс.

- Дерт, мамы шог менө мөдөдны кытчөкө бокө,



и телефоныг өни, майбыр, эм рөдвужыдкөд сёрнитны.

Ваня помалөма Вөр институтын инженер-программист нырвизь. Сылөн тшөтшгьяясыс ветлөмаөс нин служитны, а өни пө менам өчередь воис чужан мулы, кыз шуласны, долг сетны.

Ичөтдырйиыс медводдза кык классө зон велөдчөма Көрткерөс районса Ыджыдвидз сиктын. Сэсся семьяыскөд вуджөма овны юркарө. Көть и важөн нин абу волөма коми сиктө, чужан кывсө абу вунөдөма, тшөтш и ёртгьяссө, да и ичөт классын велөдысь Роза Александровна Ширяеваөс.

Кутшөм войскаө көсян веськавны юалөм вылө Ваня стөча эз вермы вочавидзны.

- Шуөны, мый веськала танкөвөй войскаө, но кузь тушаөй, да танк пышкас кыззи төра? А сизз, чайта да, вылыс тшупөда велөдчанін бөраг верман веськавны бурджык войскаө да уна колана төдөмлун-сям шедөдны. Лоө кө армияын служитөмысь пөльза, абу жаль сины та вылө быдса во, - висьталө зон. - Став призывникыслы сиа бура служитны, веськавны бур инө.

Воыд лэбыштас, да он и казая, и талунья призывникъяс локтасны гортаныс. Но налөн матысса йөзлы тайө кадыс кыссьөмөн кыссьыны кутас. Ваняөс ёна-ёна кутасны виччысьны мамыс, тьоткаыс, пөль-пөчыс, чой-вокыс, ёртгьясыс.

Екатерина МИКУШЕВА.

Да, Ваня Павловлөн ставыс на водзын. А со Удора районса Глотовысь Евгений Вилков ноябрын дасьтысьө нин локны гортас.

Дембель быть воас!

Женя служитөмсө помалө Санкт-Петербурга Почётной карауллөн ротаын. Коді ветлөдліс Питерса Дворцовой площадь вылын да Петропавловской крепосыт дорын - быть нин аддзыліс караулын сулалысь мича паськөма салдатгьясөс. На повстын тшөтш и Женя нуө службасө.

Сиктса том зон ачыс ёна көсйөма служитнысө, весиг повестка воём бөрын радлөма. А босьтөм бөрас первойсө ёна и гажтөмчөма гортсыс. Сэсся вөляникысь велалөма.

Почётной караулын служитөм

- ыджыд гордосыт. Дерт, и сьокыдыд да мудзыд сәни тырмымөн. Од кутшөм мичаа колө маршруитны да оружиеөн вөдитчны - ыджыд гажгьяс дырйи кымын морт чукөрмывлө салдатгьяслысь петкөдчөмсө видзөдны. Оз өд прөста нимтыны тайө войскасө элитнойөн.

Армияө мунысь зонгьяслы Евгений сийө бура служитны, нинөмысь не повны да дзоньвидзабн бөр воөдчыны гортаныс, шулөмаөс жө: «Дембель неизбежен!»

Галина МАКАРОВА.



Армияё зонмөс колльөдöны ыджыд рөдвужөн, бур туй сиöны став ёртъясыс да, дерт жö, радейтана нылыс. А кутшöм сьёлөмкылөмъяс сэки муса нывлөн? Ёна-ö гажтöмтчö мусуксыс? Виччысяс-ö зонмөс быдса во?

Кыкөн вермам ставсö венны!

Аслас сьёлөмкылөмъясөн юксö юркарыс Лиля Попова, кодi виччысис радейтана Саша зонсö армиясы:

«Сэк кежлö, кор Сашалы воис повестка, ми вöлим öтлаын куим во нин. И со, кык восайса ноябрь 22-öд лунсянь менам тшöтш заводитчис аслысыама служба - виччысыны дона мортöс армиясы. Дерт, тайö зэв сьöкыд, гажöй вöли зэв ёна бырö! Медводз письмöасим, чайта, мый сöмын ас киён гижöм письмö вермö вуджöдны мöд мортлы тэнсыд радейтöмтö, весиг мыйöнкö быттö шонтö сийö. Век жö письмö кольö память вылö. Бöрын лои позянлун тшöкыдджыка сёрнитны телефонөн. Лунъяс бура дыр мунисны, велöдчöм отсалис - тыртис кыссысыс кадсö. Тадзи быдса во и колис. Гөгөрвоана, Саша мөдджык мортөн локтис: сөвмөма кыдз и тушанас, сiдз и ловнас. Лоöма нöшта на төлка да авъя, а миян костын йитöдыс крепыдджык весиг лои. А со таво гожöмнас ворсим гажа кöлыс. Öнi дзик стöча тöдам, мый кыкөн вермам ставсö венны.»

Мария ИГУШЕВА.



Чайтам, медся ёна армиясыс писö став сьёлөмсянныс виччысьö мам. Кымын узьтöм вой, майшасьöм, кевмысьöм, пилөн вермөмъяслы радлөм - ставыс тайö йөршитчö мам сьёлөмö.

Дзоньвидзаён мед воас гортö

Со Көрткерöс районса Керöс сиктыс Светлана Васильевна Франц ноябрын кутас вочаавны Игорь писö армиясы. Во сайын, 2013 вося октябрын, повестка воём бöрын медводз мам сьёлөм сыркунöма-повзёма, мөвпалöма весиг, лэдзны-ö служитнысö. Но Игорь ачыс окотитöма мунны армияё, эн пö шог-сьöй - воыд öдийö коляс. И збыльсыс, воыд со



лэбыштöма нин, колö дасьтысыны сiдз шусяна дембель кежлö.

- Дерт, миянлы воыд быттö эз дыр и коль, но дум вылын пидй дзик быд лун вöли: кöни-мый вöчö, сьöкыд-ö сылы? - юксö сьёлөмкылөмнас Светлана Васильевна. - Сиктса сьöкыд уджтö бергöдигөн дзик пыр и мөвпышлан: мися Игорь кö вöли гортын, отсыштис... Но со коли тай 12 служитан төльсы, зэв ёна батыскöд виччысям! Бур, мый кöть öнi телефоннад позьö сёрнитны, быд вежон гөлөссö кылан да, век нин сьёлөм вылад кокиджык.

Армияё мунтöдз зон велöдчöма Сыктивдинса Вьелгортын автомеханикö. А служитöмсö помалö Игорь Франц Улыс Новгородын, МВД-са войскаын. Дерт, сэссия, мам-бать чайтöм серти, окота пö лоö водзö уджавны-велöдчыны полиция нырвизыын.

А октябрь помын Игорьлөн вöли тшупöда пас - салдатлы ты-



рис 20 арöс. Светлана Васильевна сьёлөмсянныс чолөмалö радейтана писö чужан лунөн да сиö дзоньвидзаён öдийöджык воöдчыны гортас.

Галина
МАКАРОВА.



ВОЛОМКО

Поводдя йылысь быд лун мөвпалам, кутшом козин - шонди али зэр - дасьтома. Уна воон сы йылысь чукормома уна шензьодана пасйод.

А кутшом эськө зэр воитлон усян одыс?

2002 восянь му шар вылын поводдяыс пыр кодзодө CO2 (углекислөй газ) содом понда.

США-ын 1932 вося медся кодзыд толын дзикодз кыммома Ниагара водопад.



Туялысьяс серти быд час Му вылын гымалө сизимдас-квайтымынысь.

Гымньов муно оз енэжсянь увлань, а мусянь вывлань.

Гымньовлон лый-омысь 10 мортсьыс 9-ыс кольо ловъяон.

Мичиганса университетын профессор шуома, гымньов по мужичойо тшөкыдджыка лыйо нывбаба дорысь.

Зэр войтлон усян одыс - часнас 27.35 километр.

Зэрын эм B12 витамин.

10 минута ураган видзө унджык энергия мирын став ядерной оружие серти.

Ошкамөшка тыдалө и луннас, и рытнас. Сийос позьо адзыны, кор шондйыс енэжтас вылас 40 градус вылын либө улын.

Ва сынод бурджыка кутө шондысө. Буретшта понда ва тропикын жарджык кос пустынян дорысь.

Няйт лым ойдоджык сыло сөстөм дорысь.

Му вылын медся шонди иныс - Иорданиян (Мертвое море). Во гөгөрся 330 луныс - шонди.

Му вылын медся кымөра да шондигөм иныс - Россияса Северная Земля архипелаг. Тани шондйыс петавло онас сомын 12-ысь.

Быд во гым вайо Му выло 10 миллион гөгөр тонна азот.

Сахара пустынян тшөтш лымъявлөма! Тайо волөма 1979 вося февраль 18-өд лунө.

Медся ыджыд шер, 700 грамм сьокта, усылөма США-са Канзас штатын.

Гиннесс небөг серти, поводдя кыв пыро интернетын медся паныдасьлысь кывъяс лыдө.



Унатор, мый вузавсьö лавкаын, позьö вöчны гор-тад. Шуам, мороженöй. Бур, эм кө та вылö сідз шусяна «мороженица». Сы отсöгөн юмевторйыс чöскыд-джыка артмö, йи торьястöг.



**Дашук
ВЕЛОДО**

Кöдзыд чöскыдтор

Йöла

Колö: 3 стöкан йöв вылыс (сливки), 1 стöкан сахар, 3 чипан кольклөн кольквижыс, ванилин.

Чипан колькысь вижсö бура гудравны сахарөн да ванилинөн, а сэсся сэтчö содтыны пöсь йöв вылыс. Бура гудравны да пуктыны ичöt би вылö, медым сукмас. Сэсся гудрассö босьтны би вылысь, кöдзöдны да кисьтны дозмукъясö. Суйны кöдзыдінö. Татшöм мороженöйö көть мый содты: шоколад, вотöс, öрек.



Бананысь

Колö: 750 мл йöв вылыс, 150 г сахар, 3 чипан кольклөн вижыс, 3 банан. Банансö колö бöрйыны кисьмöмöс да нырны. Сэсся сы дорö содтыны чипан колькысь вижсö, сахар да ставсö бура гудравны. Содтыны йöв вылыс да ставсö пуктыны би вылö, медым сукмас. Кöдзальштöм бöрын гудрассö кисьтны дозмукъясö да суйны морозилкаö 2 час кежлö.

«Сгуцёнкаысь»


Колö: 2 стöкан йöв, 1 стöкан сахар, 2 чипан кольклөн вижыс.

Йöвсö да сахарсö шонтыны би вылын. Пöсь гудрассö содтыны «сгуцёнка» банка да кык чипан колькысь вижсö. Сэсся пуктыны ичöt би вылö да пыр гудравны. Гудрассö кисьтны дозмукъясö да суйны кöдзыдінö.

Шоколадысь

Колö: 2 стöкан йöв вылыс, 3 чипан кольклөн вижыс, 2 плитка съöd шоколад, 1 ичöt пань сахар пудра.

Чипан колькысь вижсö гудравны сахарөн. Сэсся тайö гудрассö содтыны шонтöм сливкиö да пуöдны ичöt би вылын, кытчöдз оз сукмы. Шоколадсö водзвыв сывдыны да кисьтны крем пытшкö. Ставсö гудравны, медым лоö мугом рöм. Кынтыны мороженöйсö 2-3 час.



«Коми йöзöдчан керка»
Коми Республикаса
автономной учреждение,
«Йöлогa» газет
редакция.

Адрес:

167982, Сыктывкар,
К.Маркс улича,
229-öд керка,
401-402 кабинетъяс.
Тел. 24-12-22, 24-36-49.
E-mail: Yologa@mail.ru

**Веськöдлысь
В.В.ПОПОВ
Гл.редактор
Г.В.МАКАРОВА**



Газет паньсы:
Печать да юр сетан Коми
Республикаса агентство.
Регистрируйтöма
2007 вося ноябрь 28 лунö
йöзлы юр сетом да
культураса озырлун видзöм
кузя оланпаяс
збыльмöдöм бöрся
видзöдысь федеральной
службалөн Беломорской
управлениеын.
Регистрирунтан пас:
ПИ №ФС 3-0686.
Социальной тöдчанлуна
гижöдъясö йöзöдöма «Коми
йöзöдчан керка» автономной
учреждениеы печать да юр
сетан КР-са агентствоон
вичмöдöм съом вылö.



**Редакцияын
уджалысьяс:
том йöзлөн мытшöдъяс
юкөнөн веськöдлысь –
Мария Игушева;
письмö юкөнөн
веськöдлысь –
Екатерина Микушева.**



Медводдза лист бокас
снимокыс
Екатерина
Микушевэлөн.



Авторъяслөн мөвпяяс оз
пыр лöсявны редакциялөн
видзöдпаксöд.



Тираж – 488
Гижöдчан индекс – 52099.
«Йöлогa» газет петö
1991-öд восянь
вөжоннас öтчид, комиён.
Доныс сёрнитчöмөн.



Печатьö кырымалан кад:
график серти – октябрь
тöлысьлөн 29-öд лунö
16 часын; кырымалöма
печатьö 16 часын.
Газет печатайтöма
«Коми республиканской
типография» ООО-ын дась
оригинал-макетъясысь.
167610, Сыктывкар,
В.Савин улича, 81
Заказ №



Войтырлөн öтсöгласöн лунön!

Позьö шуны, мый тайö гажыс вель на том. Но видзöдлам та выlö история боксянь. Öнiя гаж-лөн вужйыс дзевсьö ылi 1612 вося ноябрь 4-öд, а важ стиль серти кö октябрь 22-öд лунö, кор Кузьма Минин да Дмитрий Пожарский юрнуöдiсны народнöй ополчение да öттшöтш мездiсны интервентъясысь Китай-Город. Та бöрын Алексей Романов сар индiс быд во пасйыны тайö лунсö гажöн. Кутчысис традиция бура дыр, большевикъяслөн власьт дорö воёмöдз (праздник бырöдöмöдз), а ноябрь 7 лунö кутiсны пасйыны октябрьса революциялысь гаж. Ноябрь 7 лун Россияын вöли праздникön 2004 воöдз, сöмын 1996 воö вежсьылiс ним - Öтсöгласöн олан лун выlö. 2005 воын гажсö бырöдiсны, а сы местаö индiсны пасйыны ноябрь 4-öд лунö Войтырлысь öтсöгласöн лун.



Дона лыдгысьысь!

Тэ öнöдз на эн гижöдчы «Йöлöгa» выlö? Сöмын ёртыдысь босьтлан либö библиотекаын öдйö видзöдалан лист бокъяссö? Абу öмöй окота, медым гортöдзыд воис газетыд?

Позьö нин (да и колö!) гижöдчыны «Йöлöгa» газет выlö локтан 2015 во джын кежлö.

Пошта пыр гижöдчан доныс колiс важ кодъыс: **296 шайт 88 ур.**

Индeкс: **52099.**